

Y Bwrdd Rheoli Management Board



Cofnodion y cyfarfod a gynhaliwyd ar 23 Mehefin
2014

13:30 - 15:00, Ystafell Gynadledda 4B

Yn bresennol:

Claire Clancy (Prif Weithredwr a Chlerc) (Cadeirydd)
Nicola Callow (Pennaeth Cyllid)
Anna Daniel (Pennaeth Trawsnewid Strategol)
Non Gwilym (Pennaeth Cyfathrebu)
Bedwyr Jones (Pennaeth TGCh Dros Dro)
Elisabeth Jones (Cyfarwyddwr y Gwasanaethau Cyfreithiol)
Mair Parry-Jones (Pennaeth y Gwasanaeth Cyfieithu a Chofnodi)
Kathryn Potter (Pennaeth y Gwasanaeth Ymchwil)
Mike Snook (Pennaeth Pobl a Lleoedd)
Craig Stephenson (Cyfarwyddwr Dros Dro Gwasanaethau'r Comisiwn)
Dave Tosh (Cyfarwyddwr Dros Dro Busnes y Cynulliad a Chyfarwyddwr TGCh)
Chris Warner (Pennaeth Gwasanaeth y Pwyllgorau Polisi a Deddfwriaeth)
Sian Wilkins (Pennaeth Gwasanaeth y Siambr a Phwyllgorau)

Yn bresennol:

Nerys Evans (Pennaeth Cyfleusterau) *ar gyfer papur 2*
John Chick (Pennaeth Cymorth Busnes i'r Aelodau) *ar gyfer Eitem 2*
Carys Evans (Prif Ysgrifennydd y Comisiwn)
Liz Jardine (Ysgrifenyddiaeth)

1.0 Cyflwyniadau ac ymddiheuriadau

1.1 Croesawodd y Bwrdd Nerys Evans i gyflwyno papur yr ystâd. Ni chafwyd ymddiheuriadau.

1.2 Nid oedd buddiannau i'w datgan.

2.0 Cyfathrebu â staff

2.1 Cytunodd Non Gwilym i ddrafftio nodyn ar drafodaethau'r Bwrdd Rheoli ar gyfer y dudalen newyddion.

3.0 Cofnodion y cyfarfod blaenorol

3.1 Cytunwyd bod cofnodion y cyfarfod a gynhaliwyd ar 2 Mehefin 2014 yn gofnod cywir.

4.0 Gwneud y gorau o'n hystâd

4.1 Cyflwynodd Mike Snook a Nerys Evans y papur, a fyddai'n cael ei gyflwyno i'r Comisiwn ar 7 Gorffennaf i roi'r wybodaeth ddiweddaraf i'r Comisiynwyr ar fuddsoddiadau a gwelliannau a wnaed yn ystod 2013-14. Helpodd y gwaith hwn i wireddu uchelgais y Cynulliad i wneud y gorau o'r ystâd.

4.2 Datblygwyd rhaglen waith ddrafft 10 mlynedd a oedd yn adolygu cyflwr yr holl adeiladau ac offer a pheiriannau a osodwyd, ynghyd â rhagolwg o'u hoes ac amserlenni ar gyfer adnewyddi a disodli. Roedd yn canolbwyntio'n benodol ar Dŷ Hywel, oherwydd ei oed, i sicrhau ei fod yn parhau i fod yn addas i'r diben. Adolygodd y Bwrdd Buddsoddi y rhaglen yn ei gyfarfod ar 16 Mehefin.

4.3 Cytunodd y Bwrdd Rheoli ei fod yn bapur rhagorol, sy'n dangos yn eglur y gwaith sylweddol a wnaed ar yr ystâd yn y blynyddoedd diwethaf. Argymhellodd y Bwrdd gynnwys y canlynol yn y diweddariad:

- dengmlwyddiant adeilad y Senedd yn 2016 (Non Gwilym i ddarparu testun i'w gynnwys);
- gwaith ar y cyfleusterau clyweledol yn Adeilad y Pierhead er mwyn gwella dibynadwyedd ac ansawdd sain;
- gwelliannau o ran cyswllt cyntaf a phrofiad ymwelwyr yn ardaloedd cyhoeddus y Senedd;
- adnewyddu swyddfeydd Llywodraeth Cymru ar yr ail a'r pumed llawr; ac
- uwchraddio cyfleusterau clyweledol yn yr ystafelloedd cynadledda a chyfarfod er mwyn darparu offer taflunio mewnol sy'n effeithlon o ran ynni a sgriniau sefydlog.

4.4 Byddai gofyn i Gomisiynwyr roi eu barn am yr hyn sy'n feysydd blaenoriaeth er mwyn llywio'r rhaglen waith.

5.0 Defnydd Aelodau'r Cynulliad o adnoddau

5.1 Croesawyd John Chick i'r cyfarfod ac amlinellodd ef ac Elisabeth Jones y materion gyda'r ffordd yr oedd cyfyngiadau ar ddefnydd

Aelodau o adnoddau'r Comisiwn. Nodwyd yn benodol y mater o Aelodau yn defnyddio lwfansau ar gyfer cyfathrebu etholaethol. Y Bwrdd Taliadau sy'n penderfynu ar y lwfansau a'r Comisiwn sy'n eu talu.

- 5.2 Nododd John y ffyrdd gwahanol yr oedd Aelodau yn defnyddio adnoddau, yr anawsterau o ran gwahanu eu gwaith gwleidyddol a'u gwaith yn y Cynulliad a bod rhai Aelodau yn teimlo eu bod wedi'u cyfyngu gan y weithdrefn bresennol. Trafododd y Bwrdd feysydd eraill o fewn cyfrifoldebau'r Comisiwn, lle gallai materion tebyg godi ac opsiynau ar gyfer gwella'r sefyllfa a allai gynnig cydbwysedd rhwng darparu gwasanaeth i Aelodau a'r perygl i enw da'r Cynulliad.
- 5.3 Cytunodd y Bwrdd y dylid ystyried proses llai cyfyngedig sy'n canolbwyntio ar ddiystyru cyfathrebu a oedd yn agored yn wleidyddol, gyda chyfres o bethau i'w gwneud ac i'w hosgoi, yn enwedig o ran dod ag anfri ar y Cynulliad a chyfyngiadau yn ystod cyfnod etholiadol. Dylid llunio disgrifiadau bras o rôl Aelodau a Busnes y Cynulliad i adlewyrchu'r angen i gefnogi gwaith cyfathrebu'n lleol.
- 5.4 **Camau i'w cymryd:** Dylid ystyried goblygiadau unrhyw newid i'r system bresennol a'u trafod gyda'r Bwrdd Taliadau a'r Comisiynydd Safonau.
- 6.0 Gwasanaethau TGCh yn y Siambr – y diweddaraf am yr arolwg
- 6.1 Amlinellodd Dave Tosh ganlyniadau'r ymgynghoriad gydag Aelodau ar opsiynau ar gyfer trefniadau ar gyfer gwasanaethau TGCh yn y Siambr yn y dyfodol. Nododd yr arolwg y byddai'n well gan y rhan fwyaf o Aelodau weld datrysiad symudol yn cael ei gyflwyno. Fodd bynnag, roedd diddordeb mawr hefyd mewn cadw rhyw fath o offer desg sefydlog.
- 6.2 Byddai angen i'r tîm TGCh ystyried y ffordd orau o weithredu hyn, gan ystyried yr adborth gan Aelodau tra'n gwneud y defnydd gorau o'r gofod desgiau sydd ar gael. Byddai opsiynau realistig yn cael eu paratoi yn ystod toriad yr haf er mwyn i'r Comisiwn eu hystyried yn nhymor yr hydref.
- 6.3 Bydd y Comisiwn yn cael gwybodaeth lafar am ganlyniadau'r arolwg a'r camau nesaf yn eu cyfarfod ar 26 Mehefin.
- 7.0 Y wybodaeth ddiweddaraf am risgiau corfforaethol

7.1 Adolygodd y Bwrdd risgiau corfforaethol allweddol presennol y Cynulliad a thrafododd y canlynol:

- Y risg capasiti corfforaethol sy'n deillio o bwysau ar fusnes ac effaith y polisi sabothol. Mae'r adran adnoddau dynol yn gweithio i lunio data ar dueddiadau dros y blynyddoedd diwethaf (oriau hyblyg a gronnwyd, cario gwyliau blynyddol drosodd, gwerthu gwyliau, nifer y staff) fel sail ar gyfer blaengynllunio.
- Materion y Ddraig Ffyni a godwyd mewn cysylltiad â defnyddio enw 'Cynulliad Ieuencid Cymru'. Cytunwyd y dylid monitro a rheoli hyn ar lefel gwasanaeth yn hytrach na'i ychwanegu at y Gofrestr Risg Gorfforaethol ar hyn o bryd.
- Y risg uchel posibl o ran pa mor barod yw'r Cynulliad ar gyfer canlyniad Refferendwm yr Alban. Cytunwyd y dylid monitro hyn yn agos.
- Diogelu a'r risg mewn perthynas ag ymgysylltu â phobl ifanc. Roedd y polisi a'r gweithdrefnau yn cael eu rhoi ar waith, ynghyd â hyfforddi staff ac Aelodau wrth drin materion.
- Roedd cyfryngau cymdeithasol yn cael eu rheoli'n effeithiol ar lefel gwasanaeth ac, felly, nid oedd angen ei ychwanegu at y Gofrestr Risg Gorfforaethol.

7.2 **Camau i'w cymryd:**

- Mike Snook i ddarparu data Adnoddau Dynol mewn perthynas â gwaith ar allu corfforaethol, er mwyn i'r Bwrdd ei ystyried mewn cyfarfodydd yn y dyfodol.
- Chris Warner i gysylltu â Kathryn Hughes i ychwanegu 'Diogelu Ymgysylltiad â Phobl Ifanc' at y Gofrestr Risg Gorfforaethol.

8.0 Adroddiad Misol ar Gyllid

8.1 Rhoddodd Nicola Callow y wybodaeth ddiweddaraf ar lafar ar yr adroddiad ariannol ar gyfer 31 Mai 2014, a ddosbarthwyd yn gynharach yn y mis. Y targed swyddogol ar gyfer tanwariant ar gyfer y flwyddyn hyd at 31 Mawrth 2015 oedd 1%, ond y nod gwirioneddol oedd tanwariant o 0.2%, a oedd yn cyfateb i £100,000. Y targed Gwerth am Arian oedd £500,000 eto eleni, ond roedd pwyslais cynyddol ar arbedion cyllideb nad oedd yn

ymwneud â staff. Disgwylir adroddiad ariannol mis Mehefin yn fuan.

9.0 Y wybodaeth ddiweddaraf am y Bwrdd Buddsoddi

- 9.1 Rhoddodd Nicola Callow y wybodaeth ddiweddaraf am gyfarfodydd y Bwrdd Buddsoddi ar 5 a 16 Mehefin. Cytunodd y Bwrdd ar nifer o brosiectau gan gynnwys prosiect teleffoni, rhaglenni gwaith ystadau a TGCh, gwaith cwmpasu pellach ar reoli cwsmeriaid, newidiadau staff yn y Gwasanaeth Cymorth i'r Comisiwn ac i'r Aelodau ac adnodd rheoli prosiectau i ddatblygu'r prosiect adnoddau dynol/cyflogres. Adolygwyd y cylch gorchwyl ar gyfer y Bwrdd Rhaglenni hefyd.
- 9.2 Dywedodd Nicola wrth y Bwrdd Rheoli y byddai mater o gapasiti a gweithlu, fel y trafodwyd yn y Bwrdd Buddsoddi, yn cael ei gyflwyno iddynt mewn cyfarfod yn y dyfodol. Cytunwyd y byddai'r Bwrdd Rheoli yn cael ei ddefnyddio'n flynyddol fel Bwrdd adolygu a chynllunio, i ystyried PMDRs a chynlluniau gwasanaeth a rhagolygon ar gyfer cyllidebau'r dyfodol.
- 9.3 Gan y byddai'r Bwrdd Buddsoddi yn cael gwybodaeth reolaidd am adnoddau, newidiwyd ei enw i'r Bwrdd Adnoddau a Buddsoddi.

Cloi'r cyfarfod

10.0 Unrhyw fater arall

- 10.1 Cyhoeddodd Claire Clancy y byddai brecwast hwyr yr haf blyneddol, i ddiolch i staff y Comisiwn am eu gwaith caled dros y flwyddyn, yn cael ei gynnal yn ystafell de'r Senedd ac y byddai Charlton House yn darparu barbeciw. Gallai Penaethiaid Gwasanaeth atgoffa staff i roi gwybod am unrhyw ofynion deietegol ymlaen llaw.
- 10.2 Dywedodd Claire wrth y Bwrdd fod polisi alcohol y Cynulliad yn cael ei adolygu a soniodd am y brotest y tu allan i'r Senedd.
- 10.3 Cynhelir y cyfarfod nesaf ar 14 Gorffennaf.